



# PROGRAM PODRŠKE MARGINALIZIRANIM GRUPAMA (PPMG)

JANUAR 2017.

## AMERIČKA AMBASADORICA MAUREEN CORMACK ZVANIČNO OTVORILA SERVIS CENTAR ZA PORODICE DJECE I OSOBA SA POTEŠKOĆAMA U FOČI



Američka ambasadorica Maureen Cormack i načelnik Opštine Radisav Mašića kajem mjeseca svečano su otvorili Servis centar za porodice djece i osoba sa poteškoćama u razvoju u Foči.

Dnevni centar koji je zahvaljujući podršci USAID-ovog Programa podrške marginaliziranim grupama od 50.000 KM prerastao u Servis centar, besplatne usluge trenutno nudi za 55 porodica iz Foče, Ustikoline, Čajniča i drugih okolnih mjesta.

„Projekat Servisnog centra, koji je formiran zbog djece sa fizičkim i mentalnim poteškoćama u razvoju, pokrenuo je USAID u saradnji sa opštinom. Radimo i aktivni smo, sa raznoraznim našim projektima, u oko 40 gradova i opština u Republici Srpskoj jer želimo pomoći građanima i raditi sa njima.“ – istakla je Cormack.



Servis centar Udruženja djece i odraslih sa teškoćama u razvoju “Tračak nade”, korisnicima nudi psiho-socijalnu podršku, te usluge defektologa, logopeda, medicinskog tehničara i psihologa.

Servis centar Udruženje “Tračak nade” treći je centar ovakve vrste u Bosni i Hercegovini, a ranije su uspostavljeni u Sarajevu i Banjoj Luci.



### SADRŽAJ

Američka ambasadorica Maureen Cormack zvanično otvorila Servis centar za porodice djece i osoba sa poteškoćama u Foči .....	1
Posao, stažiranje i napredak za osobe sa invaliditetom .....	2
Veća prava za djecu koja žive i rade na ulici .....	2
Veći senzibilitet za LGBTI osobe .....	3
Ulica je samo put do kuće, a ne dom .....	3

## POSAO, STAŽIRANJE I NAPREDAK ZA OSOBE SA INVALIDITETOM

Kroz inicijativu „Edukacija i stažiranje osoba sa invaliditetom“, Centar za osposobljavanje, prekvalifikaciju i rehabilitaciju osoba s invaliditetom u Federaciji Bosne i Hercegovine – PROREHA osigurao je stažiranja za Armina Đonu. Armin će u narednom periodu u kompaniji Čip sistemi raditi na poslovima unosa podataka i održavanja i ažuriranja web stranice.



Sa ovom kompanijom dogovoreno je da stažiranje bude osigurano za još dvije osobe na različitim poslovima, a prilagođenim njihovom obrazovanju i mogućnosti.

Ovakve inicijative mnogo znače osobama sa invaliditetom jer se kao i brojni drugi u Bosni i Hercegovini suočavaju sa diskriminacijom, a značaj je još veći jer je riječ o teško zapošljivoj kategoriji.

Kroz inicijativu „Edukacija i stažiranje osoba sa invaliditetom“ nastoje se poboljšati životni uslovi teško zapošljivih osoba, osigurati prilika da ostvare svoje pravo na rad, stažiranje i zapošljavanje, te povećati nezavisnost osoba sa invaliditetom.

Centar za osposobljavanje i zapošljavanje osoba sa invaliditetom – ProReha i USAID/PPMG na ovaj način uspjeli su u okviru inicijative, za određeni broj osoba sa invaliditetom, osigurati zaposlenje, stažiranje i

unapređenje profesionalnih vještina.

Korisnicima ovakve prilike mnogo znače. Znače nova znanja, vještine i veću konkurentnost na tržištu rada, a za neke i stalno zaposlenje. S druge strane, poslodavci ističu da su angažovanjem osoba koje su dio ove inicijative, dobile vrijedne i pouzdane radnike.



## VEĆA PRAVA ZA DJECU KOJA ŽIVE I RADE NA ULICI

Udruženje “Zemlja djece u Bosni i Hercegovini” koje uz podršku USAID-ovog Programa podrške marginaliziranim grupama realizuje inicijativu Ujedinjeni u borbi protiv modernog ropstva djece i ovu godinu zpočelo je aktivnostima usmjerenim ka dizanju svijesti stanovništva Tutlanskog kantona na sprječavanju eksploatacije djece.



Prosjačenje i zlostavljanje djece romske nacionalnosti problem je sa kojim se suočava ne samo Tuzlanski kanton, već i cjelokupno bosanskohercegovačko društvo. Cilj cjelokupne inicijative je osigurati prava djeci koja su zloupotrijebljena na ulici.



Udruženje se u januaru aktivno uključilo i u zagovarački proces koji se odnosi na izmjenu federalne regulative koja se tiče zdravstvenog osiguranja, a koja bi sa federalnog nivoa onemogućila kantonima da isključuju iz prava na obavezno zdravstveno osiguranje na teret sistema socijalne zaštite djecu uzrasta 6-15 godina.

## VEĆI SENZIBILITET ZA LGBTI OSOBE

Program podrške marginaliziranim grupama podržao je Sarajevski otvoreni centar u izradi koncepta priručnika o postupanju za rad sa LGBTI osobama

Pričunika treba služiti svim javnim službenicima/ama i predstavnicima/ama lokalnih vlasti u KS, ali i svima drugima za koje će se ovaj priručnik izraditi. Cilj je jačanje senzibilizacije prema LGBTI osobama, upoznavanje javnosti sa Zakonom o zabrani diskriminacije, a neke od tema priručnika su i osude govora mržnje, krivičnih djela počinjenih iz mržnje i nasilja prema LGBTI osobama, prepoznavanje važnosti dolaska na javne skupove koji se bave LGBTI tematikom i važnosti javnog ravnopravnog zastupanja svih ljudskih prava, a posebno ljudskih prava marginaliziranih grupa.

U priručniku će biti zastupljene i tematike namijenjene zdravstvenim ustanovama koje se bave fizičkim i mentalnim zdravljem; centrima za socijalni rad; tužilaštvu; obrazovnim institucijama, tačnije nastavnom osoblju, pedagogima/pedagoškinjama, psiholozima/psihološkinjama u obrazovnim institucijama.

Cilj je da predstavnici/e navedenih institucija dobiju konkretne preporuke kako i na koji pravilan način bi trebali/e postupati u slučaju da im se obrate LGBTI osobe u potrebi za uslugom ili zaštitom u nadležnostima koje ove institucije i obavljaju.

## KA ODGOVORNOM I PROFESIONALNOM POSTUPANJU SA LEZBEJKAMA, GEJEVIMA, BISEKSUALNIM, TRANSRODNI I INTERSPOLNIM OSOBAMA

### Priručnik

za predstavnike i institucija koje djeluju na nivou općina, gradova i kantona u BiH

Budući da ovakvu vrstu Priručnika zbog njegove specifičnosti ne može napisati jedan/na autor/ica, odabrana su dva autora/ice koji/e će pisati Priručnik.

## ULICA JE SAMO PUT DO KUĆE, A NE DOM

Udruženje građana za promociju obrazovanja Roma "Otaharin" nastavlja sa promovisanjem Dnevnog centra kao sigurnog mjesta za djecu i mlade. Namijenjen je djeci koja rade na ulici, a dnevno je zbrinuto njih 20-ak. Dnevni centar za djecu koja žive i rade na ulici, a koji



**USAID**  
OD AMERIČKOG NARODA

se nalazi u neposrednoj blizini romskog naselja u Bijeljini ima ulogu da djecu skloni sa ulice, pruži im sigurno mjesto gdje će oni moći zadovoljiti svoje osnovne potrebe i zaboraviti probleme iz svakodnevnice kojima su okružena. Svrha Dnevnog centra za djecu u riziku je doprinos obezbjeđivanju što potpunijeg ostvarivanja prava ove grupe djece, izložene raznim vidovima radne eksploatacije, nasilju, nekom drugom vidu eksploatacije, ili djece u riziku da postanu djeca ulice.

U Centru se svakodnevno organizuju edukativne, sportske, muzičke, komunikativne i radionice higijene, a djeca mogu dobiti i psihosocijalnu podršku, topao obrok, knjige i dodatne časove.

Rad Dnevnog centra podržava USAID-ov program podrške marginaliziranim grupama.



## **USAID - Program podrške marginaliziranim grupama (PPMG)**

Program provodi Institut za razvoj mladih KULT  
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

[www.ppmg.ba](http://www.ppmg.ba)